

## Raport i punës

Zëvendësministër i MMPh-së jam emëruar më 17.10. 2017, por punën e kam filluar rrith mesit të muajit nëntor kur janë bërë zyrat gati.

Ministrja e MMPh-së, në takimin e vetëm që kemi pasur, ka deklaruar se më 11 janar do të përcaktojë departamentet të cilat do të janë në përgjegjësinë e secilit zëvendësministër, por një gjë e tillë nuk ka ndodhur (për këtë ju kam njoftuar me shkrim ju dhe sekretarin e kryeministrisë).

Megjithëkëtë herë pas here më janë caktuar detyra të cilat i kam përbushur. Ja disa nga to:

- Kam përfaqësuar MMPh-në dy herë në mbledhje të qeverisë;
- Kam marrë pjesë në dy konferenca, ku kam përfaqësuar MMPh-në;
- Kam marrë pjesë në organizimin e Ditës Botërore të Ujit dhe kam përfaqësuar MMPh-në në aktivitetet dhe organizimin që është mbajtur në Gjilan;
- Kam përfaqësuar MMPh-në në Ditën e Bibliotekarisë;
- **Jam angazhuar edhe në procesin (mes MMPh-së dhe MASHT-it) për ndërrimin e lëndëve djegëse në shkolla (nga thëngjilli në lëndë alternative).**

Gjatë punës së përditshme kam pritur palë të shumta, të cilat kanë ardhur për të zgjidhur çështjet e tyre që lidhen me ministrinë tonë, si p.sh. përfaqësuesit e punëtorëve të kadastrës të cilëve u ka skaduar kontrata; pronarë fabrikash të cilëve iu është dëmtuar prona nga vërshimet, familjarë që kanë probleme të pazgjadhura lidhur me ngritjen e

busteve ose shtatoreve të familjarëve të tyre që kanë rënë për lirinë e Kosovës (lidhur me shpronësimin e tokës ku janë ngritur ose do të ngritën lapidare) si dhe një numër të madh individësh që më janë drejtuar për ndihmë ose për të marrë përgjigje lidhur me çështje nga më të ndryshmet që lidhen me MMPH-në.

Të gjitha këto palë i kam dëgjuar me shumë vëmendje dhe kam adresuar kërkesat e tyre.

MMPH-ja ka hartuar projektligje dhe të gjitha këto projektligje i kam lexuar derisa ishin drafte dhe jam përpjekur të japë kontributin tim, duke i parë me sy kritik, veçanërisht për mënyrën se si janë hartuar si dhe për logjikën e shkrimit.

Thënë shkurt kam kryer të gjitha detyrat që më janë caktuar nga ministria e MMPH-së. Megjithëkëtë, mendoj se është dashur të punojmë edhe më shumë, sepse ministria jonë ka shumë punë. Mirëpo deri më tani kaq ka qenë hapësira të cilën e kemi gjetur në ministri.

Me respekt

Prof. dr. Bashkim Musliu, zëvendësministër në MMPH

Prishtinë,

10.04.2018